

書名 唐詩品彙九十卷拾遺十卷 嘉靖十六年序刊本
 撰者 明 高棟 輯
 卷 卷五十二
 內容分類 集-總集-各代-唐
 索書號 集部-總集-35
 編號 D7841100

卷五十二

彩色首頁1

[東洋文化研究所漢籍目錄 編號: D7841100](#)

[東洋文化研究所漢籍目錄所藏漢籍善本全文影像資料庫 索書號: 集部-總集-35](#)

[漢籍善本全文影像資料庫文本唐詩品彙九十卷拾遺十卷 嘉靖十六年序刊本](#)

[版權所有: 東京大學 東洋文化研究所](#)

[使用上的注意事項](#)

唐詩品彙拾遺卷之一

言古詩上

太宗皇帝 五首

帝京篇 三首

日雙闕昏迴輿九重暮長煙散初暝皎月澄輕素
 恍恍琴書開軒引雲霧斜漢耿層閣清風搖玉樹

二

臨樂館眺聽歡芳節急管韻朱絃清歌凝白雪
 蕭來儀玄鶴紛成列去茲鄭衛聲雅音方可悅

三

新寧高棟編

桂魄初生秋露微
輕羅已薄未更衣
銀箏夜久慙勸
弄心怯空房不忍歸

秋思

網軒涼吹動秋衣
夜聽更長玉漏稀
月渡天河光轉
濕鵲驚秋樹葉頻飛

閨人春思

愁見遊空百丈絲
春風挽斷更傷離
閑花落盡
地盡日無人誰得知

唐詩品彙五十一卷

唐詩品彙五十二卷

接武下之

武元衡

送盧起居

相如擁傳有光輝
何事闌干淚濕衣
舊府東山餘妓
在重將歌舞送君歸

送張司錄赴京

江南烟雨塞鴻飛
西府文章謝掾歸
相送汀洲蘭杜
晚菱歌一曲淚沾衣

送張諫議

漢庭從事五人來
白首疆場獨未回
今日送君魂斷

處寒江窠落數枝梅

送柳郎中

望鄉臺下秦人去學射山中杜魄哀落日河橋千騎
別春風寂寞旆旌回

鄂渚送人

雲帆眇眇巴陵渡烟樹蒼蒼故郢城江上梅花無數
發送君南浦不勝情

歲暮送舍人使京

邊城歲盡望鄉關身逐戎旌未得還欲別臨岐無限
淚故園花發寄君攀

立秋華原南館別二客

風入泥陽池館秋片雲孤鶴兩難留明朝獨向青山
郭唯有蟬聲催白頭

訪裴校書不遇

梨花落盡柳花時庭樹流鶯日過遲幾度相思不相
見春風何處有佳期

題李將軍林亭

落英飄盡雪紛紛啼鳥如悲霍冠軍逝水不回絃管
絕玉樓迢遞鎖浮雲

登闔閭古城

登高遠望自傷情柳發花開映古城全盛已隨流水
去黃鸝空轉舊春聲

所圖

春日偶作

飛花寂寂燕雙雙
南客衡門對楚江
惆悵管絃何處
發春風吹到讀書窻

春興

揚柳陰陰細雨晴
殘花落盡見流鶯
春風一夜吹鄉
夢夢逐春風到洛城

陌上暮春

青青南陌柳如絲
柳色鶯聲晚日遲
何處最傷遊客
思春風三月落花時

沐州聞角

何處金笳月裏悲
悠悠遠客夢先知
單于城上關山

曲今日中原摠解吹

楊巨源 六首

贈崔駙馬

百尺梧桐畫閣齊
簫聲落處翠雲低
平陽不惜黃金
將細雨花驄踏作泥

聽李憑彈箏篋

聽奏繁絃玉殿清
風傳曲度禁林明
君王聽樂梨園
暖翻到雲門第幾聲

宿藏公院聽齊孝若彈琴

禪思何妨在玉琴
真僧不見聽時心
離聲怨調秋堂
夕雲向蒼梧湘水深



觀妓人入道

荀令歌鐘北里亭翠娥紅粉敞雲屏舞衣施盡餘香
在今日花前學誦經

和練秀才楊柳一作戴叔倫詩

水邊楊柳綠烟絲立馬煩君折一枝惟有春風最相

惜慇懃更向手中吹謝云楊柳已折生意何在春風

有情也仁人君子以天地生物為心興衰於無用之地垂德於不報之所與春風吹斷柳何異

題雲師山房

雲公蘭若深山裏月明松殿微風起試問空門清淨

心蓮花不省秋潭水

張仲素十九首

漢苑行二首

回鴈高飛太液池新花低發上林枝年光到處皆堪

賞春色人間總未知

春風淡淡影悠悠鸞轉高枝燕入樓千步回廊聞鳳

吹珠簾處處上銀鈎

天馬詩二首

天馬初從渥水來郊歌曾唱得龍媒不知玉塞沙中

路首宿殘花幾處開

躑躅死駒齒未齊縱金噴玉向風嘶來時行盡金河

道獵獵輕風在碧蹄

塞下曲

三戍漁陽再渡遼
驛弓在臂箭橫腰
匈奴似欲知名
姓休傍陰山更射鵰
獵馬千行鴈幾雙
燕然山下碧油幢
傳聲漠北單于
破火照旌旂夜受降
陰磧茫茫塞草腓
桔槔原上暮烟飛
交河北望天連
海蘇武曾將漢節歸

秋閨思二首

碧窗斜月藹深輝
愁聽寒螿淚濕衣
夢裏分明見闕
塞不知何路向金微
秋天一夜靜無雲
斷續鴻聲到曉聞
欲寄征人問消息
居延城外又移軍

權德輿

舟行夜泊

蕭蕭落葉送殘秋
寂寞寒波急暝流
今夜不知何處
泊斷猿啼月引孤舟

贈天竺靈隱二寺主

石路泉流兩寺分
尋常鐘磬隔山聞
山僧半在中峰
住共占清猿與白雲

題柳郎中故居

下馬荒堦日欲曛
潺潺石溜靜中聞
鳥啼花落人聲
絕寂寞山窗掩白雲

朝元閣

繚垣復道上層霄十月離宮萬國朝胡馬忽來清蹕
去空餘臺殿照山椒

李涉

竹枝詞

十二峯頭月欲低空濤灘上子規啼孤舟一夜東歸
客泣向東風憶建溪

過襄陽上于司空頓

方城漢水舊城池陵谷依然世自移歇馬獨來尋故
事逢人唯說峴山碑謝云于公鎮襄陽為政苛刻此
窮勸于公當以羊
祐為法詞婉而妙

從秦城回再題武關

遠別秦城萬里遊亂山高下入商州關門不鎖寒溪
水一夜潺湲送客愁

送魏簡能東遊

燕市悲歌又送君目隨征鴈過寒雲郵亭宿處時看
劍莫使塵埃蔽斗文謝云此詩勉魏生立志養氣勿
以窮困而銷沮也如寶劍當時

時濟厲思立功名不
可與塵埃俱汨沒也

獻賦論兵命未通却乘羸馬出江東灞陵道上重回
首十載長安似夢中謝云此詩勸魏當知
命待時不必奔趨也

秋夜題夷陵水館

疑碧初高海氣秋桂輪斜落到江樓三更浦上已歌
歇山影沉沉水不流



開元寺

宿雨初收草木濃，群鴉飛散下堂鐘。
長廊無事僧歸院，盡日門前獨看松。

題鶴林寺

終日昏昏醉夢間，忽聞春盡強登山。
因過竹院逢僧話，又得浮生半日閒。

重過文上人院

南隨越鳥北燕鴻，松月三年別遠公。
無限心中不平事，一宵清話又成空。

春晚遊鶴林寺

野寺尋花春已遲，背巖惟有兩三枝。
明朝携酒猶堪賞，為報春風且莫吹。

謝云此詩有愛惜人才之意

再遊頭陀寺

無因暫泊魯陽戈，白髮蕭愁日日多。
只恐雪晴花便盡，數來山寺亦無他。

山居送僧

失意因休便買山，白雲深處寄柴關。
若逢城邑人相問，報道花時也不閑。

寶鞞 七首

洛中即事

高梧葉盡鳥巢空，洛水潺潺夕照中。
寂寂天橋車馬絕，寒鴉飛入上陽宮。

南遊感興

傷心欲問前朝事，惟見江流去不回。日暮東風春草綠，鷓鴣飛上越王臺。
謝云此詩四句無限意思非巧心妙手不能摹寫

寄南遊弟兄

書來未報幾時還，知在三湘五嶺間。獨立衡門秋水濶，寒鴉飛去日啣山。

襄陽寒食寄宇文籍已見第五卷

烟水初銷見萬家，東風吹柳萬條斜。大堤欲上誰相伴，馬踏春泥半是花。

代隣叟

年來七十罷耕桑，就暖支羸強下床。滿眼兒孫身外事，閑梳白髮向斜陽。

尋道者隱處不遇一作于

籬外涓涓澗水流，槿花半照夕陽收。欲題名字知相訪，又恐芭蕉不耐秋。

宮人斜


離宮路遠北原斜，生死恩深不到家。雲雨今歸何處去，黃鸝飛上海棠花。
謝云宮人承恩幸之時朝雲暮雨，態極妍而今不知在何處。

但見墟墓之傍聽黃鸝之聲觀海棠之色宮人之音容與草木禽鳥同一斷亦亦可哀矣

寶牟

奉成園笛

曾絕朱纓吐錦茵，欲披芳草訪遺塵。秋風忽洒西園



淚滿日山陽笛裏人

竇庠

上陽宮

愁雲漠漠草離離太乙勾陳處處疑日暮毀垣春雨裏殘花猶發萬年枝

雍裕之

宮人斜

幾多紅粉委蕃泥野鳥如歌又似啼應有春魂化為燕年年飛入未央栖

李約

過華清宮

君王遊樂萬機輕一曲霓裳四海兵玉輦升天人已

盡故宮唯有樹長生

謝云君王所重者遊樂所輕者萬機此天下所以亂也弟二句

妙絕後兩句與少陵哀江頭一同悽愴

陸暢

成都送費冠卿

紅椒花落桂花開萬里同遊俱未回莫厭宮中頻送客思鄉猶上望鄉臺

劉言史

樂府雜詞

紫禁梨花飛雪毛春風絲管翠樓高城裏萬家聞不見君王試舞鄭櫻桃



呂溫

感貞元舊節寄竇三盧七

同事先皇立玉墀中和舊節又支離今朝各自看花
處萬里遙知掩淚時

道州郡齋臥疾寄東館諸賢

東池送客醉年華聞道風流勝習家獨臥郡齋泉落
意隔簾微雨濕梨花

羊士喆

郡中即事

紅衣落盡暗香殘葉上秋光白露寒越女含情已無
限莫教長袖倚闌干

登樓

槐柳蕭疎繞郡城夜添山雨作江聲秋風南陌無車
馬獨上高樓故國情

令孤楚

少年行

家本清河住五城須憑弓箭得功名等閑飛鞚秋原
上獨向寒雲試射聲

坐中聞思帝鄉有感

年年不見帝鄉春白日尋思夜夢頻上酒忽聞吹北
曲坐中惆悵更何人

陳羽

吳城覽古

吳王舊國水烟空。香逕無人蘭葉紅。春色似憐歌舞地，年年先發錦娃宮。

小江驛送陸侍御

鶴唳天邊秋水空。荻花蘆葉起秋風。今夜渡江何處宿，會稽山在月明中。

九月十日即事

漢江天外東流去。巴塞連山萬里秋。節過重陽人病起，一枝殘菊不勝愁。

遊洞靈觀

初訪西城李少君。獨行深入洞天雲。風吹青桂寒花

落香繞仙壇處處聞。

酬幽居閑上人喜及第後見贈

九霄心在勞相問。四十人間豈足驚。風動自然雲出岫，高僧不用咲浮名。

洛下贈徹公

天竺沙門洛下逢。請為同社咲相容。支頤忽望碧雲裏，心愛嵩山第幾峰。

柳宗元

酬曹侍御過象縣見寄

破額山前碧玉流。騷人遙駐木蘭舟。春風無限瀟湘思，欲采蘋花不自由。

柳州二月榕葉盡落偶題

宦情羈思共悽悽，春半如秋意轉迷。山城過雨百花

盡，榕葉滿庭鷺亂啼。劉云其情景自不可堪

浩初上人見貽絕句欲登仙人山因以訓之

珠樹玲瓏隔翠微，病來方外事多違。仙山不屬分符

客，一任凌空錫杖飛。

韓愈

題楚昭王廟

丘墳滿目衣冠盡，城闕連雲草樹荒。猶有國人懷舊

德，一聞茅屋祭昭王。劉云此人評韓曲江寄樂天絕句勝白全集此獨謂唱酬可尔

若韓絕句正在楚昭王廟一首亦壓晚唐

題廣昌館

白水龍飛已幾春，偶逢遺跡問耕人。丘墳發掘當官

路，何處南陽有近親。

和李司勳過連昌宮

夾道踈槐出老根，高甍巨棟厭山原。宮前遺老來相

問，今是開元幾葉孫。

晚次宣溪

潮州南去接宣溪，雲水蒼茫日向西。客淚數行先自

落，鷓鴣休傍耳邊啼。

湘中酬張十一功曹

休垂絕徼千行淚，共泛清湘一葉舟。今日嶺猿兼越

鳥可憐同聽不知愁

榴花

五月榴花照眼明。枝間時見子初成。可憐此地無車馬。顛倒青苔落絳英。

歐陽詹

題延平劍潭

想象精靈欲見難。通津一去水漫漫。空餘千載凌霜色。長與澄潭白日寒。

元稹

聞白樂天左降江州司馬

殘燈無焰影幢幢。此夕聞君謫九江。垂死病中投馬坐

起暗風吹雨入寒窗。

白樂天云此句他人尚不可聞。况僕哉。洪容齋云。嬉笑之怒。

甚於裂昔長歌之悲。過於慟哭此語誠然。

憶事

夜深閑到戟門邊。却繞行廊又獨眠。明月滿庭池水綠。桐花垂在綉簾前。

白居易

後宮詞

淚盡羅巾夢不成。夜深前殿按歌聲。紅顏未老恩先斷。斜倚熏籠坐到明。

竹枝詞

瞿塘峽口冷烟低。白帝城頭月向西。唱到竹枝聲咽



處寒猿晴鳥一時啼

宿西林寺

木落天晴山翠開
愛山騎馬入山來
心知不及柴桑令
一宿西林即便回

春題華陽觀

帝子吹簫逐鳳凰
空留仙洞號華陽
落花何處堪惆悵
頭白宮人掃影堂

鮑溶首

隋宮

柳塘風起日西斜
竹浦風回鴈弄沙
煬帝春遊古城在
壞宮芳草滿人家

贈楊鍊師

紫烟衣上綉春雲
清隱山書小篆文
明月在天將鳳管
夜深吹向玉宸君

寄薛膺昆季

楚山清路兩無期
夢裏春風玉樹枝
何況芙蓉樓上客
海門江月亦相思

孟郊

臨池曲

池上春蒲葉如帶
紫菱成角蓮子大
羅裙婢鬢倚迎風
雙雙伯勞飛向東

李賀



胡蝶舞

揚花撲帳春雲熱
龜甲屏風醉眼纈
東家胡蝶西家
飛白騎少年今日歸

盧仝

逢鄭三遊山

相逢之處花茸茸
峭壁攢峰千萬重
他日期君何處
好寒流石上一株松

逢病軍人

行多有病住無糧
萬里還鄉未到鄉
蓬髮衰吟古城
下不堪秋氣入金瘡

李紳

却到無錫望芙蓉湖

丹橘村邊獨火微
碧流明處鴈初飛
蕭條落葉垂楊
岸隔水窸窣聞擣衣

顧非熊

瓜州送朱萬言

渡頭風晚葉飛頻
君去還吳我入秦
雙淚別家猶未
斷不堪仍送故鄉人

張祐

胡渭州

樂苑曰胡渭州商調曲也

亭亭孤月照行舟
寂寂長江萬里流
鄉國不知何處
是雲山漫漫使人愁

雨淋鈴

明皇別錄曰帝幸蜀南入狹斜谷屬霖雨弥旬於棧道中聞鈴聲與

山相應帝既悼貴妃因採其聲為雨霖

鈴曲以寄恨焉時彼梨園善感築樂工

張徽從至蜀帝以其曲授之泊至德中

復幸華清宮從官嬪御皆非舊人帝於

望京樓令張徽奏此曲不覺

悽愴流涕其曲後入法部

教月明南內更無人

雨淋鈴夜却歸秦猶是張徽一曲新長說上皇垂淚

集靈臺

又見杜集作號夫人

虢國夫人承主恩平明騎馬入金門却嫌脂粉汗顏

色淡掃蛾眉朝至尊

華清宮

風樹離離月正明九天龍氣在華清宮門深鎖無人

覺半夜雲中羯鼓聲

宿盃浦逢崔昇

江流不動月西沉南北行人萬里心况是相逢鴈天

夕星河繁落水雲深

瓜州聞曉角

寒耿稀星照碧霄月樓吹角夜江遙五更人起烟霜

靜一曲殘聲遍落潮

題弋陽館

一葉飄然下弋陽殘霞昏日樹蒼蒼葛溪謾漉干將

劍却是猿聲斷客腸

郵亭殘花



雲暗山橫日欲斜，郵亭下馬看殘花。自從身逐征西府，每到花時不在家。

謝云此與張翰秋風思鱸同意，有道者聞之必不以山林之樂

易鍾鼎之奉矣

朱慶餘

宮中詞

寂寂花時閉院門，美人相竝立瓊軒。含情欲說宮中事，鸚鵡前頭不敢言。

閨意上張水部

洞房昨夜停紅燭，待曉堂前拜舅姑。粧罷低聲問夫婿，畫眉深淺入時無。

西亭晚宴

虫聲已盡菊花乾，五老松陰向晚寒。對酒看山俱惜去，不知殘日下闌干。

盧江途中遇雪

蘆葦聲多鴈滿陂，濕雲連野見山稀。遙知將吏相逢處，半是春城賀雪歸。

徐疑

洛城秋砧

三川水上秋砧發，五鳳樓前明月新。誰謂秋砧明月夜，洛陽城裏更愁人。

賈島

渡桑乾

客舍并州已十霜歸心日夜憶咸陽無端更渡桑乾水却望并州是故鄉

謝云久客思鄉人之常情旅寓十年交遊歡愛與故鄉無異一且別去豈能無情渡桑乾而望并州反以為故鄉也非東西南北之人不能道此

期呂逸人不至

逸人期宿石床中遣我開扉對晚空不知何處嘯秋月閑却松門一夜風

姚合

邊將

將軍作鎮舌汧州水臆山春節氣柔清夜滿城絃管

沸行人不信是邊頭謝云此詩頌邊城賢守有風人法度與雲黃知塞近草白見邊

秋者與矣

王表

成德樂

趙女乘春上畫樓一聲歌發滿城秋無端更唱關山曲不是征人亦淚流

裴夷直

憶家

天海相連無盡處夢魂來往尚應難誰言南海無霜雪試向愁人兩鬢看

唐詩品彙五十二卷

